



ZA SAHRANE I UPRAVLJANJE GROBLJEM - FUNERALS AND CEMETERIES MANAGEMENT

DIREKCIJA - Mula Mustafe Bašeskije 38, Sarajevo; Info: +387 33 535 170, Fax: +387 33 535 164
PRODAVNICA POGREBNE OPREME - Petrakijina 1, Sarajevo; Info: +387 33 551 370
GROBLJE BARE - Jukićeva 61; Info: +387 33 551 750 - GROBLJE VLAKOVO - Vlakovo bb; Info: +387 33 761 955
GROBLJE STADION - Patriotske lige bb; Info: +387 33 258 306 - MRTVAČNICA - Jukićeva 61; Info: +387 33 664 686
CVJEČARA BARE - Jukićeva 61; Info: +387 33 551 375 - R.J. TRANSPORT - Vlakovo bb; Info: +387 33 629 025
BESPLATNI INFO TELEFON: 080 02 02 68; mail: kjkp_pokop@bih.net.ba - www.pokop.ba



BROJ: 0602-4305-7-5/20
Sarajevo: 19.01.2021.god.

Na osnovu člana 70. Zakona o javnim nabavkama („Službeni glasnik BiH“ broj 39/2014), i čl. 43 i 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatiran u Zapisniku o pregledu i ocjeni ponuda broj: 0602-4305-7-4/20 od 18.01.2021. godine, Direktor d o n o s i

ODLUKU

o izboru najpovoljnijeg ponuđača
u otvorenom postupku

Član 1.

Ugovor za nabavku kamenih nadgrobnih obilježja sa montažom LOT 1 - Nabavka kamenih nadgrobnih obilježja sa montažom od kamena Marmara ili ekvivalent, dodjeljuje se ponuđaču KLESAR d.o.o. Hadžići, sa registrovanim sjedištem u ul. Binježevo 136 u vrijednosti od 109.947,00 KM bez uključenog PDV-a, odnosno 128.637,99 KM sa uključenim PDV-om, kao najbolje ocijenjenom ponuđaču.

Član 2.

Ponuda ponuđača G.H. d.o.o. Sarajevo-Ljubina, Solakovići 1, Ilijaš se odbija u skladu sa članom 68. Zakona o javnim nabavkama („Službeni glasnik BiH“ br.39/14) kao neprihvatljiva za ugovorni organ.

Član 3.

U skladu sa članom 70. stav 6. Zakona KJKP Pokop d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

Obrazloženje

KJKP Pokop d.o.o. Sarajevo je u skladu sa čl. 18. i 25. Zakona o javnim nabavkama pokrenulo Otvoreni postupak za nabavku kamenih nadgrobnih obilježja sa montažom LOT 1 - Nabavka kamenih nadgrobnih obilježja sa montažom od kamena Marmara ili ekvivalent.

Na portalu javnih nabavki objavljeno je obavještenje o nabavci broj 775-1-1-166-3-65/20 objavljenog dana 04.12.2020. godine na Portalu javnih nabavki i u „Službenom glasniku BiH“ broj 80/20 od 11.12.2020. godine.

Kriterij za dodjelu ugovora je najniža cijena.

Na osnovu Obavještenja o nabavci i tenderske dokumentacije, izvršeno je javno otvaranje ponuda dana 18.01.2021. godine u 10:30 sati u prostorijama KJKP POKOP d.o.o. Mula Mustafe Bašeskije 38, Sarajevo, što je konstatovano u zapisniku sa otvaranja ponuda u skladu sa Zakonom o javnim nabavkama („Službeni glasnik BiH“ broj 39/14).

Komisija je na javnom otvaranju konstatovala da je svoje ponude predalo 2 (dva) ponuđača i to: KLESAR d.o.o. Hadžići, Binježevo 136 i G.H. d.o.o. Sarajevo-Ljubina, Solakovići 1, Ilijaš.

Komisija je prema članu 65. ZJN pristupila pregledu i ocjeni ponuda, što je konstatovano u Zapisniku o pregledu i ocjeni ponuda, koji je sastavni dio ove Odluke.

ID BROJ - 4200119040004; PDV BROJ - 200119040004; MBS - 65-01-0701-13; SUDSKI REG. BROJ - 065-0-Reg-08-002972

T.R. UniCredit Bank - 3383202250686353; ASA Banka - 1344601000218984; RAIFFEISEN Bank - 161000005140041; UNION Banka - 102029000001596;
NLB Banka - 1327310010008492; SBERBANK - 1401020003012707; INTESA S.P Banka - 1549212005907130; PRIVREDNA Banka - 101000007125846;
IBAN CODE: BA393383202250686353 - SWIFT: UNCRBA22

Obzirom da je tenderskom dokumentacijom predviđena e-aukcija, a Ugovorni organ je zaprimio jednu prihvatljivu ponudu, e-aukcija se ne može zakazati, nego se postupak okončava u skladu sa članom 69. Zakona.

U postupku donošenja ove Odluke, posebno su cjenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispijelih ponuda, shodno kriterijima iz Tenderske dokumentacije. U postupku ocjene provedenog postupka nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Slijedom navedenog Komisija je jednoglasno dala preporuku da se donese Odluka o izboru najpovoljnijeg ponuđača KLESAR d.o.o. Hadžići, Binježevo 136, iz razloga što je Komisija utvrdila da ponuda primjenjujući kriterij najniže cijene tehnički zadovoljavajuće ponude – prihvatljiva i sačinjena u skladu sa traženim uslovima navedenim u Tenderskoj dokumentaciji za predmetni postupak.

Shodno prijedlogu i preporuci Komisije za javne nabavke, Ugovor za nabavku kamenih nadgrobnih obilježja sa montažom LOT 1 - Nabavka kamenih nadgrobnih obilježja sa montažom od kamena Marmara ili ekvivalent u vrijednosti od 109.947,00 KM bez uključenog PDV-a, odnosno 128.637,99 KM sa uključenim PDV-om, dodijeljuje se ponuđaču KLESAR d.o.o. Hadžići, Binježevo 136, koji je je ponudio najnižu cijenu.

Ponuđač G.H. d.o.o. Sarajevo- Ljubina Solakovići 1, Ilijaš, se odbija kao neprihvatljiva za ugovorni organ iz razloga što je ponuđač u sklopu svoje ponude, dostavio ovjerenu kopiju potvrde Vakufske banke izdatu dana 29.12.2020. godine, u kojoj je navedeno, da glavni račun otvoren kod Vakufske banke dd Sarajevo nije bio blokiran u posljednjih 12 mjeseci, čime nije ispunjen uslov zahtjevan tenderskom dokumentacijom, ponuđač je bio u obavezi dostaviti potvrdu izdatu od strane banke, u kojoj je otvoren „Glavni račun“, sa naznakom od strane banke da navedeni račun ponuđača „Glavni račun“ nije bio blokiran u zadnjih 12 (dvanaest) mjeseci, računajući od **datuma objave obavještenja o nabavci**, a navedena potvrda banke ne smije biti starija od 30 dana od dana dostavljanja ponude.

Datum objave obavještenja o nabavci u predmetnom postupku je bio 04.12.2020. godine. U skladu sa postavljenim tenderskim uslovom, ponuđač je bio obavezan dostaviti potvrdu o solventnosti glavnog transakcijskog računa za period od 04.12.2019. godine do 04.12.2020. godine.

Ponuđač G.H. d.o.o. Sarajevo- Ljubina Solakovići 1, Ilijaš je u svojoj ponudi dostavio referenc listu u kojoj je navedeno 6 (šest) ugovora u vrijednosti od 218.596,88 KM bez PDV-a, a u sklopu svoje ponude ponuđač je dostavio 3 (tri) potvrde o uspješnoj realizaciji ugovora, od toga potvrda o uspješnoj realizaciji ugovora izdata od strane Islamske zajednice u Bosni i Hercegovini ne može se prihvatiti kao validna, jer na istoj nije naznačena vrijednost ugovora, što je suprotno članom 48. ZJN stav 3. Potvrda o uredno izvršenim ugovorima mora sadržavati sljedeće podatke: a) naziv i sjedište ugovornih strana ili privrednih subjekata; b) predmet ugovora; c) vrijednost ugovora; d) vrijeme i mjesto izvršenja ugovora; e) navode o uredno izvršenim ugovorima.

Ponuđač G.H. d.o.o. Sarajevo- Ljubina Solakovići 1, Ilijaš na strani 77 svoje ponude dostavio je potvrdu o uspješnoj realizaciji ugovora sa referenc liste od strane općine Novi Grad, vrijednosti izvedenih radova u iznosu od 62.837,19 KM sa PDV-om, a vrijednost navedenog ugovora upisanog u Referenc listi Aneks 5 iznosi 63.176,10 KM sa PDV-om. Uvidom u Referenc listu evidentno je da se dostavljena potvrda odnosi na isti Ugovor odnosno Predmet ugovora, vrijeme i mjesto izvršenja ugovora, te se pretpostavlja da došlo do tehničke greške prilikom upisa vrijednosti ugovora u Referenc listu. Komisija prilikom evaluacije ponuda konstatovala da isti ne može biti razlog za eliminaciju ponude te da se za zbir vrijednosti ugovora uzima iznos naveden u potvrdi o uspješnoj realizaciji ugovora. Tako da je ukupna vrijednost realizovanih ugovora iznosi 108.169,61KM sa uključenim PDV-om, što je suprotno Tački 15. tenderske dokumentacije „Tehnička i profesionalna sposobnost“ u kojoj je zahtjevano od ponuđača da se dostavi „Uspješno iskustvo u realizaciji ugovora za isporuku predmetne nabavke čiji su karakter i kompleksnost slični sa onima koji se odnose na predloženi ugovor, u prethodne 3 (tri) godine i čija je ukupna vrijednost minimalno 110.000,00 KM (bez PDV-a) (odnosi se samo na LOT 1).

Ponuda ponuđača G.H. d.o.o. Sarajevo- Ljubina Solakovići 1, Ilijaš nije pripremljena u skladu sa zahtjevima iz tenderske dokumentacije usljed čega je nepotpuna u ovom postupku nabavke i odbija se u skladu sa članom 68.

stav 4. tačka i) Zakona o javnim nabavkama (Sl. Glasnik BiH broj 38/14) jer ista ne ispunjava zahtjeve iz tenderske dokumentacije.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



DIREKTOR

Goran Cerić

Prilog:

- Kopija zapisnika o pregledu i ocjeni ponuda

Dostaviti:

1. Ponuđačima x 2;
2. Nadležnoj službi;
3. a/a Preduzeća.